



AMSHC • Ditar Nr. 11

(Korrik - Shtator 2016)

Takim i Komitetit të Përbashkët Teknik

Follorinë (Greqi), 7 korrik 2016



Si pjesë e Komitetit të Përbashkët Teknik (Joint Technical Committee - JTC), përfaqësuesit e Agjencisë për Mbështetjen e Shoqërisë Civile (AMShC), z. Ferhat Aga dhe z. Andi Luga, morën pjesë në takimin e organizuar në zonën e Follorinës, Greqi në kuadër të ditëve informuese mbi Thirrjen Nr. 2 për Projekt-Propozimet.

Këto projekt-propozime fokusohen në funksion të bashkëpunimit ndërkufitar IPA Cross Border Programme Greqi-Shqipëri 2014-2020.

Në takim u komunikua lidhur me mënyrën e aplikimit, kriteret dhe specifikimet e linjës buxhetore.

Takim i Komitetit të Përbashkët Teknik

Korfuz (Greqi), 13 korrik 2016



Si pjesë e Komitetit të Përbashkët Teknik (Joint Technical Committee - JTC), përfaqësuesit e Agjencisë për Mbështetjen e Shoqërisë Civile (AMSHC) z. Andi Kananaj - Drejtor Ekzekutiv dhe z. Ferhat Aga - Specialist për Grantet e Zhvillimit të Shoqërisë Civile, morën pjesë në takimin e organizuar në Korfuz, Greqi në kuadër të ditëve informuese mbi Thirrjen Nr. 2 për Projekt-Propozimet.

Këto projekt-propozime fokusohen në funksion të bashkëpunimit ndërkufitar IPA Cross Border Programme Greqi-Shqipëri 2014-2020.



Tryezë e rrumbullakët me donatorë vendas dhe të huaj

Tiranë, 15 korrik 2016



Në ambientet e Delegacionit të BE-së, ABA Business Center, me iniciativën e z. Stefano Calabretta, Menaxher Programi për Shoqërinë Civile, BE dhe znj. Claudia Vollmer, Shefe e Departamentit të Demokratizimit, pranë OSBE-së, u organizua një takim me donatorët vendas dhe të huaj, që kontribuojnë në sektorin e shoqërisë civile si dhe Grupin Lokal Këshillimor (GLK/LAG) të Projektit TACSO në Shqipëri.

Në këtë takim morën pjesë përfaqësues të organizatave të shoqërisë civile, institucioneve qeveritare si dhe të institucioneve donatore ndërkombëtare, që ndihmojnë në zhvillimin e shoqërisë civile në Shqipëri.

Gjatë pjesës së parë të takimit u diskutua dhe u vu theksi mbi funksionin këshillimor që ka GLK, i cili ofron këshillim mbi mjedisin ligjor dhe institucional për të mundësuar funksionimin e suksesshëm të OSHC-ve, nevojat dhe prioritetet e ngritjes së kapaciteteve si dhe përballimin e të gjitha sfidave me të cilat përballen OSHC-të.

Pjesëmarrësit prezantuan, gjithashtu, punën e bërë deri tani në ndihmë të OSHC-ve dhe veçanërisht përfaqësuesit e AMSHC-së vunë theksin te puna e madhe e bërë nga AMSHC dhe Ministria e Mirëqenies Sociale dhe Rinisë, me ndihmën e madhe të përfaqësuesve të zyrës së BE-së, në konstituimin e Këshillit Kombëtar për Shoqërinë Civile.

Më tej takimi vazhdoi me prezantimin nga të gjithë donatorët të sukseseve të arritura nga projektet e financuara prej tyre për periudhën 2014-2016 si dhe synimet për të ardhmen.



Nis projekti PERFORM për financimin e hulumtimeve në shkencat sociale

Tiranë, 20 korrik 2016



Ambasadori zviceran Christoph Graf dhe Ministria e Arsimit Lindita Nikolla nënshkruan marrëveshjen mbi zbatimin e programit PERFORM, program i cili nxit shkencat sociale në Shqipëri. Qeveria zvicerane jep gati 2 million Euro për financimin e studimeve në shkencat sociale. Në këtë aktivitet mori pjesë edhe një përfaqësues i AMSHC-së.

PERFORM do të zbatohet në Shqipëri dhe Serbi dhe do të financojë propozime për hulumtime dhe studime të cilat mund të kenë vlerë për vendimet në dobi të publikut. Lidhja midis politikave dhe shkencave sociale është e brishtë ndërkohë që evidencat dhe rekomandimet e ekspertëve në shkencat sociale do të ishin të dobishme për vendimet që marrin autoritetet dhe institucionet publike.

Ky program do të synojë të bëjë studimet dhe gjetjet nga hulumtuesit të disponueshme dhe do t'i ofrojë ato për si evidencë për politika dhe vendim-marrje. Gjithashtu, debatet publike mbi shumë çështje do të mund të informohet nga hulumtimet e kryera në fushat e shkencave sociale.

Përfituesit kryesorë nga ky program do të jenë universitetet, institutet e kërkimit, organizatat jo fitimprurëse dhe akademikët.



Debati vjetor: "Ngritja e standardeve, rënie trendesh? Mjedisi mundësues për shoqërinë civile në vendet e zgjerimit"

Bruksel (Belgjikë), 7 shtator 2016

Rrjeti i Zhvillimit të Shoqërisë Civile në Ballkan organizoi debatin vjetor "Ngritja e standardeve, rënie trendesh? Mjedisi mundësues për shoqërinë civile në vendet e zgjerimit", i cili u zhvillua në Pallatin "Residence", Bruksel.

Ky aktivitet u organizua me rastin e prezantimit të Raportit Rajonal të Matricës së Monitorimit për vitin 2015, në të cilin u mbledhën përfaqësues të OShC-ve nga Ballkani Perëndimor dhe Turqia për të paraqitur sfidat kryesore të mjedisit mundësues për shoqërinë civile në vendet e tyre.



Qëllimi ishte për të ngritur një diskutim me Komisionin, institucionet e tjera të BE-së dhe palët e interesuara se si procesi i pranimit në BE mund të nxisë një shoqëri civile të fortë dhe më të fuqizuar, që rrit përgjegjshmërinë politike dhe nxit të kuptuarit më të thellë të reformave për anëtarësim përpara publikimit të Paketës së Zgjerimit dhe Progres Raportet e Vendeve për 2015-2016.

Gjetjet e prezantuara janë bazuar në një monitorim të gjerë të kryer nga anëtarë dhe organizatat e BCSDN-së nëpërmjet mjeteve të zhvilluara bashkërisht - Matrica e Monitorimit mbi Mjedisin Mundësues për Zhvillimin e Shoqërisë Civile mbështetur nga Komisioni Evropian dhe Balkan Trust for Democracy.

Pjesëmarrje në aktivitetin "Running for Cooperation"

Kristalopigi (Greqi), 25 shtator 2016

Përfaqësues nga Agjencia për Mbështetjen e Shoqërisë Civile, morën pjesë në aktivitetin me titull "Running for Cooperation", zhvilluar në kuadër të "European Cooperation Day 2016" të Programeve IPA Cross-Border Greqi-Shqipëri. Në këtë aktivitet morën pjesë rreth 100 pjesëmarrës, përfaqësues të institucioneve publike nga pala greke dhe ajo shqiptare.

Qëllimi i kësaj iniciative konsiston në heqjen e barrierave kufitare ndërshtetërore si dhe miqësinë mes dy vendeve fqinjë. Gara e vrapimit u zhvillua nga Kristalopigi (Greqi) deri në Billisht (Shqipëri), ku rekordi që u shënuar ishte rreth 38 minuta për meshkuj dhe 47 minuta për femra.



EUROPEAN COOPERATION DAY

Sharing borders, growing closer